



5E/2017 FORU AGINDUA, apirilaren 5koa, Herritarrekiko eta Erakundeekiko Harremanetako Departamentuko kontseilariak emana, "Nafarroako ikus-entzunezkoen ekoizpenerako" diru-laguntzen deialdia onartzen duena.

ERREFERENTZIA: Espedientearen kodea: 0011-1183-2017-000000

UNITATE KUDEATZAILEA: Herritarrekiko eta Erakundeekiko Harremanetako Departamentua
Komunikazio Zerbitzua
Komunikazio Atala
Tfnoa.: 848 427700 Faxe: 948 227673
Helbidea: Karlos III.aren etorbidea 2, 2. solairua 31002 Iruña
Helbide elektronikoa: comunicacion@navarra.es

ESPEDIENTEA

Espediente mota: Nafarroako ikus-entzunezkoen ekoizpenerako laguntzak
Aplikazio-arauak:

Nafarroako Ikus-entzunezkoen Kontseiluak bultzatuta sortu ziren 2006an ikus-entzunezkoen produkziarako laguntzak Nafarroan; desagertua den erakunde horrek 2005eko txostenean alerta eman zuen Nafarroako telebisten beraien produkzioen beherakadari dagokionez, eta gomendioa egin zuen diru-laguntza bidez bultzatzeko eskualdeko eta tokian tokiko programa interesgarrien produkzioa.

Ordutik, urtero tramitatu dira laguntza horiek, bai LTD lizentzia duten telebistentzako modu nominatiboan, eta baita lehiaketa-erregimen bitarteko deialdien bitartez ere.

Deialdi berriak, labur adierazita eta aurreko ediziokoarekin alderatuta, hurrengo berrikuntzak ekarri ditu:

- Laguntzak diru-laguntza gisa ematen dira, 2014ko ekainaren 17ko 651/2014 Erregelamenduaren (EB) 54. artikuluan eta I. kapituluaren adierazitakoaren arabera, zeinetan barne-merkatuarekin bateragarriak diren zenbait laguntza-kategoria ezartzen diren, Itunaren 107. eta 108. artikulua aplikatuta. Aipaturiko artikulua ezartzen duenaren arabera, ikus-entzunezko lanen ekoizpenerako laguntzen intentsitatea diruz lagundu daitezkeen kostuen %50ekoa izango da.
- Onuradunei dagokienean, Nafarroako Gobernuak emandako lizentzia pribatuen titulartasuna duten enpresentzako izango da laguntza, Lurreko Telebista Digitalaren emisiorako (LTD), Nafarroan tokiko- edo autonomia-esparruan. Deialdi honetatik kanpo gelditzen dira ikus-entzunezko edukien beste ekoizpen-enpresa batzuk, zeinentzako Kultura, Kirol eta Gazteria Departamentutik berriazko deialdi bat tramitatuko den, Herritarrekiko eta Erakundeekiko Harremanetako Departamentuak aldi berean finantzatuko duena, hartarako gorde diren 50.000 eurotako zenbatekoarekin.
- Diruz lagundu ahal izango diren ikus-entzunezko edukien tipologia berrordenatuko da, ondorengo hiruretara mugatuz: hiritargoari zuzendutako ikus-entzunezko proiektuak, Nafarroako publiko sektorialeko zuzendutako ikus-entzunezko proiektuak eta tokiko publikoei zuzendutako ikus-entzunezko proiektuak.



Azaldutakoaren poderioz, Komunikazioko eta Erakundeekiko Harremanetako Zuzendaritza Nagusiak aurkeztu duen txostena ikusita, eta Herritarrekiko eta Erakundeekiko Harremanetako Departamentuaren egitura organikoa ezarri zuen abuztuaren 28ko 129/2015 Foru Dekretuak ematen dizkidan eskudantziak erabiliz,

AGINDU DUT:

1. Nafarroako ikus-entzunezkoen ekoizpenerako diru-laguntzen deialdia onestea.
2. Deialdiaren oinarri arautzaileak onestea, foru agindu honen eranskinean jasoak.
3. Deialdi honen konpromisoari aurre egiteko, jarraian adierazten diren aurrekontuko kredituak baimentzen dira; hala ere, aldaketak egin ahalko dira, jasotako eskabideak kontuan hartuta:

AURREKONTUKO KONTU-SAILA	EKITALDIA	ZENBATEK OA
B10003-B1100-4709-921500: (E) Nafarroako ikus-entzunezkoen ekoizpenerako laguntzak	2017	1.100.000,00

4. Foru Arau hau eta bere Eranskinak Nafarroako Aldizkari Ofizialean argitaratzea eta deialdia diru-laguntzen datu-base nazionalean erregistratzea (BDNS).
5. Deialdi honen eta bere oinarri arautzaileen kontra gora jotzeko errekurtoa jar daiteke, Nafarroako Gobernuari zuzendua, argitaratu eta biharamunetik hasita hilabeteko epean.
6. Foru agindu honen kontra administrazio publikoek zilegi dute administrazioarekiko auzi-errekurtoa jartzea, Nafarroako Justizia Auzitegi Nagusiko Administrazioarekiko Auzien Salari zuzendua, argitaratu eta bi hilabeteko epean. Horrek ez du galarazten alde zuzeneko errekerimendua egin ahal izatea, Administrazioarekiko Auzien Jurisdikzioa arautzen duen uztailaren 13ko 29/1998 Legearen 44. artikuluan ezarritako moduan eta epean.

Iruñean, 2017ko apirilaren 5an

HERRITARREKIKO ETA
DEPARTAMENTUKO KONTSEILARIA
Ana Olló Hualde

ERAKUNDEEKIKO

HARREMANETAKO



I. ERANSKINA

OINARRI ARAUTZAILEAK

1. oinarria - Xedea.

Deialdi honek 2017rako Foru Komunitateko ikus-entzunezko edukien ekoizpen-jardueren diru-laguntza erregimena ezartzea du helburu, tokiko- eta autonomia-esparruko lurreko telebista digitalen (LTD) lizentzia pribatuen titulartasunak dituztenek igortzeko.

Ikus-entzunezko edukiak Nafarroako hizkuntza ofizialetako edozeinetan ekoiztuak izan ahalko dira, eta Foru Erkidegoko ikus-entzunezkoen kultura-eskaintza aberastea izango dute helburu.

2. oinarria - Aurrekontua eta diruz lagundu daitezkeen kostuen muga.

1. Deialdi honetarako bideratu den aurrekontua 1.100.000 eurokoa da gehienez ere, BEZa barne, 2017ko gastuen aurrekontuko "Ikus-entzunezkoak ekoizteko laguntzak" izeneko B10003 B1100 4709 921500 kontu-sailaren kargura.

2. Laguntzak diru-laguntza gisa ematen dira, 2014ko ekainaren 17ko 651/2014 Erregelamenduaren (EB) 54. artikuluan eta I. kapituluan adierazitakoaren arabera, zeinetan barne-merkatuarekin bateragarriak diren zenbait laguntza-kategoria ezartzen diren, Itunaren 107. eta 108. artikulua aplikatuta.

Ikus-entzunezko lanen ekoizpenerako laguntzen intentsitatea diruz lagundu daitezkeen kostuen %50ekoa izango da.

3. oinarria - Onuradunak eta betebeharrak.

1. Lurreko Telebista Digitalaren (tokian tokikoa eta erkidegokoa) emanaldietarako Nafarroako Gobernuak ematen dituen lizentzia pribatuen titularrak izan ahalko dira laguntza hauen onuradunak, zeinak, deialdi honetako eskaerak aurkezteko epean, lizentzia eskuratzeko bete behar zituzten baldintza teknikoak eta programazioari dagozkien araberrako emanaldiak eskaintzen dituzten.

2. Ezin izango zaie diru-laguntzarik eman Diru-laguntzei buruzko azaroaren 9ko 11/2005 Foru Legearen 13. artikuluko 2. eta 3. idatz-zatietan ezarritako inguruabarren bat duten entitateei.

3. Deialdi hau ez da aplikagarria izango Europar Batzordearen aurretiatzko erabaki baten ondorioz berreskuratze-agindu baten mende dauden enpresentzat, laguntza ilegal eta barne-



merkatuarekin bateragarria ez dena deklaratu zaienentzat, eta ezta aipaturiko 651/2014 Araudiaren (EB) 2.18) artikuluan definitzen den bezala, krisian dauden enpresentzat.

4. oinarria - Proiektuen tipologia, gehienezko zenbatekoak eta kopuruak berriz esleitzea.

1. Ikus-entzunezko edukien ekoizpenerako ekintzak hurrengo proiektu-tipologia eta baldintzekin bat etorriko dira:

A tipologia: Hiritar guztiei zuzendutako ikus-entzunezko proiektuak, 600.000 euro gehienez.

A.1 Formatu desberdinetako telebistako programak, Nafarroako herritar guztiei zuzenduak.

A.2. Tipologia honetara aurkezturiko programa bakoitzak gutxienez 40 minutuko 20 pasarteren ekoizpena bermatu beharko du.

A.3. Tipologia honen baitan ikus-entzunezko edukien ekintzengatik onuradun batek jaso dezakeen gehienezko diru-laguntza ezingo da 500.000 euro baino handiagoa izan.

B tipologia: Nafarroako publiko sektorialeiei zuzendutako ikus-entzunezko proiektuak, 250.000 euro gehienez.

B.1. Formatu desberdinetako telebistako programak, adinaren arabera (haurtzaroa, gaztaroa, hirugarren adina...) edo interes-komunitatearen arabera (hezkuntza-komunitatea, jarduera ekonomikoen sektorea...) aurrez definituriko publikoei edo publiko sektorialeiei zuzenduak.

B.2. Tipologia honetara aurkezturiko programa bakoitzak gutxienez 20 minutuko 20 pasarteren ekoizpena bermatu beharko du.

B.3. Tipologia honen baitan ikus-entzunezko edukien ekintzengatik onuradun batek jaso dezakeen gehienezko diru-laguntza ezingo da 200.000 euro baino handiagoa izan.

D tipologia: Tokiko publikoei zuzendutako ikus-entzunezko proiektuak, 250.000 euro gehienez.

D.1. Formatu desberdinetako telebistako programak, LTDaren Plan Tekniko Nazionalak Nafarroarako burutzen dituen tokiko banaketetako (Lizarra, Iruña, Zangoza, Tafalla eta Tuterako mugatzeak) publikoen interes jakin eta zehatzetarako diseinatuak. Tipologia honetara Nafarroarako tokiko LTDerako lizentzia duten titularrak bakarrik aurkeztu ahal izango dira.

D.2. Tipologia honetara aurkezturiko programa bakoitzak gutxienez 20 minutuko 20 pasarteren ekoizpena bermatu beharko du.



D.3. Tipologia honen baitan ikus-entzunezko edukien ekintzengatik onuradun batek jaso dezakeen gehienezko diru-laguntza ezingo da 125.000 euro baino handiagoa izan.

2. Laguntza hauetatik kanpo gelditzen dira Nafarroako telebistetako informazio- eta kirol-programazioak, eta baita kultura-arlokoak ez diren ikuskizunen zuzeneko edo aurrez grabaturiko emankizunak ere.

3. Telebistako operadoreek ezingo dute programa-proposamen berdina hiru programazio-tipologia hauetako batera baino gehiagora aurkeztu. Hala gertatuko balitz, balorazio-mahaiak ezarriko du proposamenari dagokion tipologia, aurkezturiko memoriarekin bat etorritz, eta tipologia horren baitan bakarrik baloratuko da.

4. 4. oinarrian ezarritako tipologia bakoitzeko gehienezko zenbatekoen kredituak ez badira esleitu, izan proiekturik ez delako aurkeztu, edo izan 8. oinarrian ezarritako irizpideak kontuan hartuta balorazio tekniko nahikoa jaso ez dutelako, kreditu horiek gehitu ahal izango dira eta, eskuragarri dagoen aurrekontuarekin laguntzarik gabe gelditu diren beste proiektu batzuk diruz laguntzeko balio ahal izango dute. Kasu horietan, honako hau egingo da:

a) 4.4. oinarri honen aplikazioaren ondorioz egindako esleipenak, ordena honi jarraiki, A, B eta D tipologietatik kanpo gelditutako proiektuei egingo zaizkie, tipologia bakoitzaren baitan proposamen horiek lortutako puntuazioaren ordenari jarraiki.

b) Onuradunen batek 2017ko uztailaren 1a baino lehen proiektu baterako eman zaion laguntzari uko egiten badio deialdi honek hartzen duen epean, dagokion tipologian finantzatu gabe gelditu den hurrengo proiektua edo proiektuak finantzatzeko izanen da kopuru hori.

d) Tipologia horretan finantzatu gabeko programa-proposamenik ez balego, uko egitearen ondoriozko esleipenak, ordena honi jarraiki, A, B eta D tipologietatik kanpo gelditutako proiektuei egingo zaizkie, tipologia bakoitzaren baitan proposamen horiek lortutako puntuazioaren ordenari jarraiki.

5. oinarria - Diru-laguntza jaso dezaketen gastuak eta gauzatzeko epea.

1. Diruz lagundu daitezkeen gastutzat joko dira diru-laguntza honetako helburu diren ekintzen izaerarekin bat datozenak eta eskabidearen aurkezpen-datatik hasita 2017ko urriaren 31ra arteko epean egiten direnak (azken egun hau barne).

2. Diru-laguntzaren zenbatekoa ezin izango da, inongo kasutan, gastu horien guztizkoaren %50 baino gehiagokoa izan.

3. Gastu hauek jaso dezakete diru-laguntza:



a) Ikus-entzunezkoen produkzioaren emanaldiari zuzenean lotutakoak jotzen dira zuzeneko gastutzat, ikus-entzunezko edukiak sortzeko beharrezkoak diren langileenak barne. Langileen gastu horiek ezin izango dira onuradunari aplikatzen zaizkion enpresa- edo sektore-hitzarmenetan jasotzen direnak baino txikiagoak izan.

1. Onuradunak zuzeneko gastu horiek diru-laguntzaren xedeko programazioa ekoizteko eta, gainera, beste programazio batzuetarako erabiltzen baditu, diruz laguntzen den proiektuan erabilitako denbora zati proportzionalari dagozkion gastuak baino ez dira egotziko.

2. Diru-laguntzaren xedeko proiektua gauzatzeko ekipamenduko ondasun inbentariagarriak erosiz gero, diruz laguntzeko moduko gastutzat hartuko da haien amortizazioa, proiektuari egotzen ahal zaion proportzioan, kontabilitateko irizpide orokorren arabera.

3. Deialdi honetan azpikontratazioa sartzen da. Ikus-entzunezko edukien ekoizpenerako beharrezkoak diren ikus-entzunezkoen ekoizpen-ekintzen gauzatzea edo beste lan osagarri batzuk azpikontratatu ahal izango dira. Kasu horietan, diruz lagundu daitezkeen gastuak Diru-laguntzei buruzko azaroaren 9ko 11/2005 Foru Legearen 26. artikuluan ezarritakoaren arabera kudeatuko dira.

b) Zeharkako gastuen barrenean daude bai gastu orokorrak, onuradunak betetzen dituen jardueretako batzuei egotzen ahal zaizkienak, bai gastu finkoak ere, jarduera zehatz bati egotzi ezin zaizkionak, baina beharrezkoak direnak diruz lagundutako jarduera gauzatzeko, telebista-seinalearen difusio eta garraioari dagozkion gastuak barne.

Proiektu bakoitzean diruz lagun daitezkeen zeharkako kostuek proiektuaren aurrekontuan sartuta egon beharko dute, eta ez dira proiektuaren kostu osoaren %12tik gorakoak izango; betiere, frogatu egin beharko da zergatik egotzen zaizkion diru-laguntzaren xedeko programari.

d) Diruz laguntzen ahal diren zuzeneko zein zeharkako gastuetatik kanpo daude telebista-operadorearentzako higiezinaren alokairu edo amortizatorako direnak; lege edo/lan arloko aholkularitza zerbitzuaren prestazioak eta azpikontratazioak; eta diruz lagundutako programazioaren produkzioari lotu gabeko jarduketetako langileen gastuak (ordezkaritza-gastuak, dieta eta bidaiak, eta abar.).

6. oinarria - Eskabideen eta dokumentazioaren aurkezpena.

1. Eskaerak hogeitau egun baliodunen epean aurkeztu beharko dira, deialdi hau Nafarroako Aldizkari Ofizialean argitaratu eta biharamunetik hasita.

Eskaerak nahitaez telematika bidez aurkeztuko dira, Nafarroako Foru Komunitateko Administrazioaren Erregistro Orokor Elektronikoaren bitartez (www.navarra.es). Eskaera-eredua eta aurkeztu beharreko gainontzeko dokumentazioa, deialdi honetako eranskinetako



ereduetara doitu direnak, "ikus-entzunezkoen ekoizpenerako 2017ko diru-laguntzak" (hemendik aurrera diru-laguntzako fitxa) deitutako fitxaren baitan egongo dira eskuragarri.

Oinarri honetan berariaz aurreikusi ez denetan, Administrazio Publikoen Administrazio Prozedura Erkideari buruzko urriaren 1eko 39/2015 Legearen 16. Artikuluan ezarritakoa aplikatuko da.

2. Diru-laguntzen deialdi honi dagozkion komunikazioak interesdunak eskaeran emandako gaitutako helbide elektronikoaren (DEH) bitartez egingo dira. Helbide horrek Nafarroako Gobernuak gaituriko jakinarazpen elektronikoaren prozeduran harpidetua egon beharko du. Ogasuneko eta Funtzio Publikoetako Ministerioaren <http://notificaciones.060.es> helbidean eskura daiteke DEHa, eta jakinarazpen elektronikorako prozeduretan izena eman. Horretarako, ziurtagiri digitala beharko da.

3. Laguntza hauek efektu bultzatzailea izan behar dute. Hortaz, 651/2014 Araudiaren (EB) 6. artikuluan xedatzen denaren arabera, diru-laguntzen eskatzaileek ezin izango dituzte diruz lagundutako ekintzak deialdi honen argitalpen-data baino lehenago hasi.

4. Ondorengoak dira aurkeztu beharreko agiriak:

1) I. Eranskinetako eskaera, entitateari buruzko datuak, proposatutako ikus-entzunezko edukiaren edo edukien izenak eta horiei dagokien programazio-tipologia betez formularioan.

2) II. Eranskinetako erantzunkizunpeko adierazpena, deialdian exijitzen diren baldintzak betetzeari buruzkoa.

3) III. Eranskinetako eredia erabilita, proposaturiko ikus-entzunezko edukiaren memoria deskriptiboa. Memoria bat aurkeztu beharko da proposatutako programa bakoitzerako, eskatzaileek programa baterako baino gehiagotarako laguntzak eskatzen badituzte.

4) IV. Eranskinetako eredia erabilita, giza-baliabide eta baliabide teknikoaren memoria deskriptiboa. Memoria bat aurkeztu beharko da proposatutako programa bakoitzerako, eskatzaileek programa baterako baino gehiagotarako laguntzak eskatzen badituzte.

5) Ekonomia- eta finantziario-memoria, dagokion banakapenarekin, V. Eranskinetako eredia erabilita. Memoria bana aurkeztu beharko da proposaturiko programa bakoitzeko, eskatzaileek programa baterako baino gehiagotarako laguntzak eskatzen badituzte.

6) Dokumentazioa euskarri elektronikoan aurkeztu beharko da. Artxibo digital horietan erantsitako elementu guztiek unitate kudeatzaileak dauzkan programa informatiko batekin edo batzuekin bateragarriak izan beharko dute: Libre Office 5.1., Microsoft Office 2003, Adobe Acrobat Reader DC 2015 eta Reproductor de Windows Media.



7) Eskaren aurkezpenak deialdi honetako oinarriak definitzen dituzten baldintzen onarpen garbi eta formala dakar berarekin. Zentzu horretan, Eranskinetan sartuko dira kudeaketa-organoari eskatu beharreko baimenak, datuen egiazkotasuna ziurtatzeko egin beharreko frogatzeak burutu ditzan. Jarduketa hauei edota datu pertsonalen babesari buruzko beste inolako jarduketei dagokienean, urriaren 1eko 39/2015 Legean ezarritakoaren arabera jardungo da, Administrazio Prozedura Erkidearena, eta baita abenduaren 13ko 15/1999 Lege Organikoaren, Izaera Pertsonaleko Datuak Babestekoaren, eta beste legedia aplikagarrien arabera ere bai.

8) Eskaren aurkezpenarako epea bukatuta, organo kudeatzaileak berrikusiko ditu eskaerak eta, akats edo omisiorik aurkituz gero, interesdunari berari jakinaraziko dizkio. Interesdunak 10 egun balioduneko epea izango du eskaera zuzendu edo/eta aginduzko dokumentuak entregatzeko. Errekerimendua betetzen ez baldin bada, edo interesdunak gelditasuna erakutsiz gero, diru-laguntza eskaerari uko egin diola ulertuko da.

Prozeduraren tramitazioarekin aurrera jarraituko da, nahiz eta bigarren mailako kontu hau Komunikazio eta Erakundeekiko Harremanetako Zuzendariak emandako diru-laguntzen bukaerako ebazpenean argituko den.

7. oinarria - Diru-laguntza emateko prozedura.

1. Diru-laguntzak emateko prozedura norgehiagokako araubideari jarraikiz tramitatuko da. Prozedura hau, funtsean, aurkezturiko eskaeren konparaketa egitean, beraien artean lehenetsuen bat ezartzeko helburuarekin proiektuak baloratzean eta balorazio gehien lortu dutenei diru-laguntzak esleitzean datza, deialdian adierazitako kreditu erabilgarriaren baitan zehazturiko mugetan.

2. Prozedura honen organo kudeatzailea Komunikazio Zerbitzua izango da. Honek egingo ditu prozedura sustatu eta espedientea tramitatzeko beharrezko jardunak, legaltasun, publikotasun, objektibotasun, gardentasun, berdintasun eta bereizkeria eza printzipioen arabera, urriaren 1eko 39/2015 Legeak, Administrazio Publikoen Administrazio Prozedura Erkideari buruzkoak, ezartzen duenaren arabera.

3. Komunikazio Zerbitzuak ebaluatuko ditu ikus-entzunezko edukien ekoizpenerako proiektuak, deialdi honetako 8. oinarrian ezarritako irizpideen arabera. Buruturiko ebaluazioaren arabera, organo kudeatzaileak Komunikazioko eta Erakundeekiko Harremanetako Zuzendariari aurkeztuko dio ebazpen-proposamen bat. Proposamen horrek deialdian ezarritako tipologia bakoitzaren baitan baloratutako proiektuen zerrenda izango du bere baitan (lortutako puntuazioan handienetik txikienera ordenatuak), eta baita diru-laguntza emateko proposatutako eskatzaileen zerrenda, esleituriko zenbatekoarekin. Proposamen horretan adieraziko da onuradunek diru-laguntza eskuratzeko baldintza guztiak betetzen dituztela.



4. Komunikazioko eta Erakundeekiko Harremanetako Zuzendari Nagusiak emango du ebazpena, non deialdi honetako diru-laguntzak eman eta esleituko dituen, diruz lagunduko den eskaera-kopurua adieraziz eta bakoitzari dagokion kopurua zehaztuz, prozedurak iraun artean gertatu izan litezkeen gorabehera guztiak ebaztearekin batera.

Ebazpena arrazoitua izango da, eta hartutako ebazpenaren oinarriak frogaturik egonen dira beti. Ebazpenean diru-laguntza jasoko duten eskatzaileen zerrenda azalduko da eta eskaerarik ezetsiz gero, horiek ere espresuki agertuko dira, eta, horien artean, zein diren aurrekontuko baliabideen mugagatik gaitzetsi direnak, dagokien puntuazioa adieraziz.

5. Komunikazioko eta Erakundeekiko Harremanetako Zuzendari Nagusiaren ebazpen hau interesdunei jakinaraziko zaie, deialdi honetara eskabideak aurkezteko azken egunetik hasi eta gehienez bi hilabeteko epean. Epe hori igarota ebazpena espresuki jakinarazi ez balitz, interesdunek beren eskaerak onartuak izan ez direla ulertu ahalko dute.

8. oinarria - Balorazio-irizpideak eta puntuazioak.

Eskaerak ebaluatzeko, ondoren zehazten diren irizpideei jarraituko zaie; guztira, 100 puntu dira.

1. Programen diseinua, 40 puntura arte.

Honako hauek baloratuko dira:

- Programen sormena eta aniztasuna, eta horiek azaltzeko eta planteatzeko berrikuntzak egitea, Nafarroako gaur egungo programazio-parrilaren aldean: 20 puntu.
- Parte hartzera edo elkarriketara gonbidatuko diren protagonisten aniztasuna eta zer ordezkatzan duten: 10 puntu.
- Programazioa diseinatu eta bertan parte hartzeko interes publikokotzat jotako Nafarroako herritar elkarteetan lankidetzaren eta parte-hartzearen: 5 puntu.

Genero ikuspegiaren ikuspuntua sartu izatea edukiak diseinatu eta garatzeko, eta hizkera inklusiboa erabiltzea: 5 puntu.

2. Erabilitako baliabideak eta proposatu diren edukien finantzaketa, 40 puntu arte.

Honako hauek baloratuko dira:

- Telebista eskatzaileak Nafarroan bertan burutuko dela bermatzen duen inbertsioa: 15 puntura arte.



+10 puntu proposamen ekonomikoan Nafarroako enpresekin zuzeneko gastuan kopuru handiena bermatzen duten eskaintzentzat, bai ikus-entzunezkoan eta ikus-entzunezkoa ez denean. Balorazio honetatik kanpo geldituko da antena-eskubideak lortzeko gastua.

+5 puntu ikus-entzunezko gastu zuzenean zenbateko handiena bermatzen duten eskaintzentzat, Nafarroan egoitza soziala duten produktoreekin azpikontratazio bitartez edo Nafarroako enpresa hauei ikus-entzunezko produktuak erosita, produktu nafarren antena-eskubideengatik: Nafarroako profesional edo enpresek zuzendu, ekoiztu edo/eta banatutakoak, hau da, konpainia nafarrenak diren eskubideak dauzkaten ikus-entzunezko produktuak.

- Baliabide teknikoak, programa hauetarako eskaintzen den kalitate teknikoa bermatuko dutenak: 10 puntura arte.

+ 5 puntu proposatzen den produkzioan eta produkzio-ondoan erabiliko diren baliabide teknologikoei dagokienez (kameren kalitatea, ibilgailuak eta unitate mugikorak, instalazioak eta platoak...).

+ 5 puntu, edukiaren produkzioarako aurreikusitako ikus-entzunezko hizkuntzaren eskaintza onenari (grafismoak, teknologia berriak, alde biko komunikazioa ikusleekin...); eta produkzio-ondorako aurreikusitako lanetan.

- Diru-laguntzak jaso dituzten edukiak 2017an beste bide batzuen bitartez ematea: 5 puntura arte

+5 puntu diruz lagundutako edukien hedapena Internet eta sare sozialetako bideo-kanalen bidez bermatzen duten proposamenentzat, lehen emisiotik hasita hiru hilabetean zehar gutxienez.

- Berdintasun-plana eta errenta bermatua jasotzen duten pertsonen kontratazioa 10 puntu.

+ 5 puntu gizon eta emakumeen arteko berdintasun-planak ezarrita dituzten enpresen eskaintzetarako; gutxienez ere, lan- eta familia-bizitza uztartzeko ordutegia malgutzeko eta lanaldia murrizteko neurriak izan beharko dituzte.

+ 5 puntu gizarteratze-errenta jasotzen duten pertsonen kontratazioa sustatzeko: 2,5 puntu emanen dira lanaldi osorako eta gutxienez 3 hilabeterako kontratatzen den errenta hartzaile horietako bakoitzeko.

3. Programazioak ematea proposatzen duen telebista-ikusleria, 20 puntura arte.



20ra arte puntuatuko da diru-laguntza eskatzen duen telebistak 2016ko urtean zehar ziurtaturiko ikusle-kopurua, Cíes S.L. Enpresak, instituzio publiko, iragarle eta hedabideen enkarguz egiten duen Nafarroako hedabideen ikus-entzuleen azterketarekin bat etorriz.

Erkidegoko telebisten kasuan, 20 puntu emango zaizkio egunerokoan ikusleen batezbesteko handiena duen operadoreari; eta alderantzizko hiruko erregela aplikatuko da gainontzeko operadoreak puntuatzeko, 2016an erregistraturiko ikusleak kontuan izanez.

Tokiko telebisten kasuan, 20 puntu emango zaizkio egunerokoan ikusleen batezbesteko handiena duen operadoreari; eta alderantzizko hiruko erregela aplikatuko da gainontzeko operadoreak puntuatzeko, 2016an erregistraturiko ikusleak kontuan izanez.

Ikusleen irizpidearen baremoa ezartzeko aplikatuko den araua (bai tokiko eta bai erkidegoko telebistentzat):

20 X proposamena egiten duen telebistaren ikusleria

 ikusleria gehien duen telebistaren ikusleria

2016ko Nafarroako hedabideen ikus-entzuleen azterketan jasota ez dauden telebisten kasuan, 0 puntu jasoko dituzte ikuslegoari dagokion baremazioan.

9. Oinarria - Onuradunen betebeharrak.

1. Diru-laguntzaren telebista onuradunek honako betebeharrak izan behar dituzte:

a) Laguntza ematen duen organoaren aurrean jarduera egin dela frogatzea, bai eta laguntza emateko erabakigarriak diren betebeharrak eta baldintzak eta helburua bete direla ere.

b) Nafarroako Gobernuak egiten dituen egiaztapenak eta Estatuko nahiz Europar Batasuneko kontrol-organo eskudunek egin ditzaketen egiaztapenak eta kontrol finantzarioak onartzea, eta jarduketa horietan eskatzen zaizkien argibide guztiak ematea.

d) Organo kudeatzaileari idatziz jakinaraztea onetsitako proiektuan egin nahi den edozein aldaketa. Komunikazio hori burutu eta 15 egun balioduneko epean organo kudeatzaileak ez baldin badio berariaz aldaketa horri ezezkorik ematen, bai komunikazio-betebeharrak eta bai proposaturiko aldaketa onartutzat joko dira.

e) Diru-laguntza emateko ebazpen-proposamenaren egunean, onuradunek zerga betebeharrak eta Gizarte-segurantzarekikoak eguneratuak izatea eta Nafarroako Foru Komunitateko Administrazioarekin zorrik ez izatea.



f) Diru-laguntzaren xedeko programetarako lortutako bestelako laguntzak eta diru-sarrerak adieraztea dagokion organoari. Horrelakoetan zenbatekoa, jatorria eta diruz lagundutako jardueran funts horiek nola erabili diren justifikatu beharko da. Jakin bezain laster emanen da horren berri eta, betiere, jasotako dirua zertan erabili den frogatu baino lehen.

g) Gutxienez 10 urtez jasotako diru-laguntzaren erabilerari buruzko frogagiriak gordetzea, agiri elektronikoak barne, egiaztatze- eta kontrol-lanen xede izan daitezkeen bitartean.

h) Diru-laguntzaren xedeko programen kopia aurkeztea, deialdiaren organo kudeatzaileak adierazitako formatu eta modu elektronikoan. Kopia hori gordetzeko izanen da eta ikus-entzunezkoen artxibo publiko batean sartuko da; jendaurrean erakusten ahalko da, betiere merkataritza helbururik gabe.

i) Diru-laguntzarako deialdi honen onuradun diren telebista-operadoreek estatuko araudia bete beharko dute programen irisgarritasunari dagokionez entzumen desgaitasuna dutenentzat. Diru-laguntzaren xedeko programetan azpitoluak jartzea galarazten duten arrazoi teknikoak emanez gero, operadoreak beste aukera bat aurkezten ahalko du organo kudeatzailearen araua betetzeko, betiere deialdi honen bidez finantzatzen den programetako bat irisgarria dela bermatuz.

j) Autonomia-erkidegoen eremuko telebista operadoreen kasuan, eta Iruñeko barrutiko tokiko operadoreen kasuan, diruz lagundutako euskarazko programetako bat gutxienez ere ematea bere lizentziako LTDeko kanal nagusian, lehen emanaldian edo lehendik gaztelaniaz emandako programak euskaraz emanez (uztaila eta abuztuan salbu).

2. Diru-laguntzen onuradunek aplikaziozko foru-araudian ezarritako gardentasun-betebeharrak bete beharko dituzte, hau da, ekainaren 21eko 11/2012 Foru Arauan eta irailaren 11ko 59/2013 Foru Dekretuan ezarritakoak. Horretarako, diru-laguntza jasoko dela jakinarazten den egunetik hasi eta hilabeteko epean, telematikoki aurkeztu beharko dute, laguntzarako fitxaren bitartez, diru-laguntzen onuradunen gardentasun-betebeharrari dagokion adierazpena, eskuragarri dagoen eredu normalizatuarekin bat datorrena.

3. Oinarri arautzaile hauetan edo Diru-laguntzei buruzko Foru Legean ezarritako eginbeharren bat bete ezik, onartutako diru-laguntza jasotzeko eskubidea galduko da edo diru hori itzuli egin beharko da, foru lege horren 35. artikuluan xedatutakoarekin bat. Aurreko betebeharrak horietako bat hein batean betetzen ez bada, emandako diru-laguntzaren zenbatekoa berriro ere zehazten ahalko da, proportzionaltasun printzipioari jarraikiz, edo, zein den kasua, dagokion zenbatekoa itzuli beharko da.

4. Izaera orokorrez, deialdi honetan aurreikusitako diru-laguntzak jasotzen dituzten entitateak Diru-laguntzei buruzko Foru Legearen 42. artikuluan eta hurrengoetan diru-laguntzen arloko arau-hauste administratiboei buruz ezarritako zehapen araubidearen mende egonen dira, eta



hartan ezarritako erantzukizunak izanen dituzte. Diru-laguntzen arloko zehapenak Nafarroako Foru Komunitateko Administrazioari buruzko abenduaren 3ko 15/2004 Foru Legearen V. tituluaren xedaturikoari jarraikiz ezarriko dira.

10. oinarria - Ekoizturiko edukien emankizun eta hedapenerako betebeharrak.

a) Programak beren lizentziako LTDeko kanal nagusiaren bitartez (kanal bat baino gehiago dutenen kasuan) eta 2017ko ekitaldian ematea, deialdi honetako onuradun suertatzen direnen eskabideetan proposaturiko emankizunen kapituluekin, periodikotasunarekin eta egutegiarekin bat etorri.

b) Ikusleei grafikoki adieraztea "Nafarroako Gobernuaren lankidetzaz eta finantzaketaz" egindako emanaldiak direla, bai eta programa horien sustapenetan ere. Informazio grafiko horren formatua Komunikazioko eta Erakundeekiko Harremanetako Zuzendaritza Nagusiarekin adostuko da.

d) Kanal nazionaletan, nazioarteko kanaletan edo beste AAEE batzuetan emango diren diru-laguntza jasotako programen kasuan, erantzukizunpeko adierazpen bat entregatu beharko da, emanaldi horiek justifikatuz.

e) Diruz lagundutako edukiak Internet edo sare sozialetako bideo-kanalen bidez eman, eskaintzan konpromiso hori erakutsi duten telebisten aldetik. Url-a eman beharko dute.

11. Oinarria - Diru-laguntzaren ordainketa.

Diru-laguntzaren abonua ordainketa partzialen bitartez egingo da, behin jarduera justifikatu ondoren, eta, izaera orokorrez, uztaila eta azaroko hilabeteetan bi ordainketa zatikatutan egingo da, aurreratutako ordainketa onartzerik izango delarik hurrengo modalitateen arabera:

a) %34 diru-laguntzak ematerakoan, aurreratutako ordainketa gisa, eskaeran diru-laguntzaren xede direnak bete ahal izateko funts-horniduraren beharra ziurtatu duten eskatzaileentzat, finantza-bitarteko egokiak ez dauzkatala ziurtatzen duten kontularitzako egoerak aurkeztuta. Deialdi honetan 60.000 euro baino gehiagoko diru-laguntzak jasotzen dituzten onuradunen kasuan, aurreratutako diru horren ordainketak Diruzaintzako Sailean aurkeztutako banku-abalaren erregistroa izango du baldintza gisa, jasotako aurrerapenaren zenbateko berdinarekin.

b) %33ko lehen ordainketa bat, 2017ko uztailaren 28ra arte (data hau barne) finantzaturiko proiektuaren ekintzen memoria eta memoria ekonomikoa aurkezten duten eskatzaileentzat, deialdi honetako hurrengo oinarrian deskribatutako baldintzetan (2017ko ekainaren 30era arteko aurrekoizpen-, ekoizpen- eta emisio-lanak), aurkezturiko dokumentazioa egindakoarekin bat datorrela onartu eta frogatu ondoren.



d) %33ko bigarren ordainketa bat, 11.a. puntuan adierazitako aurrerakina jaso duten eskatzaileentzat, eta %67ko ordainketa gainontzeko kasuetan, 2017ko azaroaren 13ra arte (data hau barne) finantzaturiko proiektuaren ekintzen memoria eta memoria ekonomikoa aurkezten duten eskatzaileentzat, deialdi honetako hurrengo oinarrian adierazitako baldintzetan (2017ko urriaren 31ra arte egindako aurrekoizpen-, ekoizpen eta emisio-lanak), 11.b. oinarriarekin bat etorritz aurkeztu ahal izan diren gastuak deskontatuz eta aurkezturiko dokumentazioa egindakoarekin bat datorrela onartu eta frogatu ondoren.

12. oinarria - Justifikatzeko modua.

1. Behin diruz lagundutako ekintzak burutzen direnean, eta aurreratutako dirua justifikatu eta diru-laguntzaren gainontzeko zenbatekoa kobratu ahal izateko, onuradunek ondorengo dokumentazioa aurkeztu beharko dute, 11.d. oinarrian ezarritako epean:

a) Diru-laguntzaren xedeko proiektuaren bukaerako txostena, aurreikusitako helburuak betetzeari buruzko balorazioa barne.

b) Behin betiko gastuak justifikatzeko taula. Diru-laguntzen onuradunek gastuak zehaztuko dituen taula bat osatu beharko dute, urriaren 31ra arte, kontabilitate-multzoetan sailkatuko direnak.

2. Adierazitako taula horrek gastu bakoitzerako hurrengoak zehaztuko ditu: zein kontzepturi dagokion; hartzekoduna; zenbatekoa guztira (BEZa kanpo); proiektuari egozten zaion portzentajea; proiektuari esleituriko portzentajea (BEZa kanpo) eta ordainketa-data. Taula horretan adierazten diren gastuak zenbakituta agertuko dira, bata bestearen ondoren (dok. zk.: 1, 2, 3...).

3. Gastu horiek justifikatzeko taula paperean eta euskarri informatikoan (excel) bidaliko da, eta horrekin batera karpeta bat aurkeztuko da fakturen fotokopiekin edo gastuak frogatzeko baliokideak diren bestelako dokumentuekin.

4. Fakturen eta gastuen gainontzeko justifikazio-dokumentuen fotokopiak modu korrelatiboan zenbakitu beharko dira (1, 2, 3... dok.), eta gastuen justifikaziorako taulan agertzen diren ordena berdinean aurkeztu beharko dira. Fakturaren fotokopia edo gastua frogatzen duen dokumentu bakoitzarekin batera, ordainketa edo konpentsazioa izan dela frogatzen duen dokumentua erantsi beharko da.

5. Gizarte-segurantzako gastuaren justifikazioa TC1 eta TC2 dokumentu ofizialak eta dagozkien ordainketen justifikazioak aurkeztuta egingo da, urriko hilabeteari dagokion ordainketa abenduaren 11ra arte justifikatu ahal izateari kalterik egin gabe.



6. Diruz lagundutako proiektua gauzatzeko beharrezkoak diren jarduerak azpikontratatzuz gero, azpikontratatistek egiten dituzten fakturak behar adina xehakatu beharko dira, argi identifikatu ahal izateko zer jarduerari egozten zaizkion kostuak.

13. oinarria - Laguntzen bateragarritasuna eta metaketa.

1. Diru-laguntza hauek bateragarriak dira helburu berarekin Nafarroako Foru Komunitateko Administrazioak, Espainiako zein atzerriko beste administrazio publiko batzuek edo beste edozein entitate publiko edo pribatuk edota partikularrek ematen dituzten laguntzekin. Diru-laguntzen zenbatekoa ezin da inola ere izan, bakarrik edo beste diru-laguntza, laguntza, diru-sarrera edo baliabide propio batzuekin batuta, onuradunak egin beharreko jardueraren kostua baino handiagoa. Kasu horietan, murriztu egingo da diru-laguntza.

2. Batzordearen ekainaren 17ko 651/2014 (EB) Erregelamendua aplikatuz, zeinaren bitartez diru-laguntza kategoria jakin batzuk barne-merkatuarekin bateragarriak direla adierazten den, Tratatuaren 107. eta 108. artikulua aplikatuz, kontuan izan beharko dira estatuko diru-laguntzak pilatzeari buruzko arauak. Horrek esan nahi du deialdi honetan jarduera, proiektu edo enpresa onuradunei emandako diru-laguntzen zenbateko osoa estatuko beste edozein laguntzari gehitu ahal izango zaiola, beti ere diruz lagundu daitezkeen kostu desberdinei edo beste laguntza estataleiei erreferentzia egiten baldin badie, osoki edo modu partzialean diruz lagundutako kostuekin bat etorri, baina bakarrik pilaketa horrek ez baldin badu diru-laguntzaren intentsitatea edo erregelamenduaren arabera diru-laguntza handienaren zenbatekoa gainditzen.

14. oinarria - Gardentasuna, publizitatea eta informazioa.

1. Deialdi hau, bertako oinarriak eta eranskinak, bai Aldizkari Ofizialean eta bai Nafarroako Gobernuaren webgunean argitaratuko dira. Gainera, organo kudeatzaileak deialdi honen eta bere oinarri arautzaileen laburpen bat argitaratuko du Ogasun eta Funtzio Publikoko Ministerioaren diru-laguntzen datu-base nazionalean (BDNS), informazioa ezagutzera eman eta 9.2. oinarrian adierazitako gardentasun-betebeharrei erantzunez, 11/2012 Foru Arauan, ekainaren 21ekoan, Gardentasun eta Gobernu Irekiari buruzkoan, eta 29/2013 Foru Dekretuan, irailaren 11koan, zeinaren bitartez Nafarroako aurrekontu orokorretara kargatzen diren diru-laguntzak jasotzen dituzten onuradunen gardentasun-betebeharrak arautzen diren, adierazitakoak betez.

2. Herritarrekiko eta Erakundeekiko Harremanetako Departamentuak, adierazitako Araudian (EB) ezarritakoa betetzeko, hurrengo konpromisoak hartu beharko ditu:

a) Diru-laguntza deialdiaren onuradunei eta horiek jasotako zenbatekoei dagokion informazioa aurrez aipaturiko BDNSean argitaratu dadin bermatzea. Berariaz, zehaztasun osoz argitaratuko da 500.000 euro baino gehiagoko laguntza indibidualen inguruko informazioa.



Informazioa laguntza ematen den egunetik hasita sei hilabeteko epean argitaratuko da, eta gutxienez hamar urtez egongo da eskuragarri.

b) Europar Batzordeari diru-laguntzen erregimenari buruzko informazio laburbildua duen formulario normalizatua ematea, 2017rako deialdi honen argitalpen-egunaren ondorengo 20 egun balioduneko epean.

15. Oinarria - Errekurtsoak

1. Foru Arau honen eta bere oinarri arautzaileen kontra interesdunek gora jotzeko errekurtoa jar dezakete, Nafarroako Gobernuari zuzendua, argitaratu eta biharamunetik hasita hilabeteko epean.

2. Prozedura honi dagozkion kontuetan Komunikazioko eta Erakundeekiko Harremanetako Zuzendari Nagusiak emandako ebazpenen kontra interesdunek gora jotzeko errekurtoa jar dezakete, Herritarrekiko eta Erakundeekiko Harremanetako Kontseilariari zuzendua, ebazpen hori jakinarazi edo argitaratu eta biharamunetik hasita hilabeteko epean.



II. ERANSKINA

IKUS ENTZUNEZKO EDUKIETARAKO DIRU LAGUNTZAK ESKATZEKO

AURKEZPEN-FITXA

1. Eskatzailearen eta legezko ordezkariaren datuak

Eskatzailea/Entitatea

IFK:

Helbidea (Kalea, Plaza, Etorbidea eta Zenbakia)

Herria

Probintzia kodea

Posta-

Telefonoa

Faxe

Helb. el.

Legezko ordezkaria

Deiturak eta izena

IFZ

2. Onuraduna: adierazi eskatzaileari zer onuradun kategoria dagokion (kategoria bat bakarra hautatu)

Erkidegoko LTDA

Tokiko LTDA

3. Zer tipologiatarako aurkezten den proiektua (tipologia bat bakarra hautatu)

Hiritar guztiei zuzendutako ikus-entzunezko proiektuak (4.1.A. klausula)

Nafarroako publiko sektorialeiei zuzendutako ikus-entzunezko proiektuak (4.1.B).

Tokiko publikoei zuzendutako ikus-entzunezko proiektuak (4.1.C)

4. Ikus-entzunezko edukiaren titulua

4.1. Kapitulu-kopurua

4.2. Kapituluaren batezbesteko iraupena

III. ERANSKINA

ERANTZUKIZUNPEKO ADIERAZPENA, DIRU-LAGUNTZEN 11/2005 FORU LEGEARI BURUZKOA



Izena:....., helbidea: , IFK:, bere izenean edo ondokoa ordezkatzuz:, sozietatearen helbidea: eta IFZ: (ezabatu beharrezkoa ez dena), 2017an Nafarroako ikus-entzunezkoen ekoizpenerako diru-laguntzen deialdian diru-laguntza eskatu dudanak,

AITORTZEN DUT:

1.-Ikus-entzunezko honetarako lortutako beste diru-laguntza batzuei dagokienez:

Eskaera honen xedeari dagokionez, ez dudala bestelako diru-laguntza edo ekarpenik lortu Espainiako edo atzerriko beste administrazio publiko, entitate publiko edo pribatu edo partikularretatik.

Eskaera honen xedeari dagokionez, hurrengo diru-laguntza edo ekarpenak lortu ditudala Espainiako edo atzerriko beste administrazio publiko, entitate publiko edo pribatu edo partikularretatik: (eurotan)

Hitz ematen dut adierazpen honetako datuetan gertatzen den edozein aldaketaren berri emanen diodala idatzita Herritarrekiko eta Erakundeekiko Harremanetako Departamentuari, Komunikazio Zerbitzuaren bitartez. Halaber, hitz ematen dut departamentu honek diru-laguntza emanez gero, haren berri emanen diedala entitate publiko guztiei, laguntza gehigarriren bat eskatzen badiet.

2.–Diru-laguntzei buruzko Foru Legearen 13. artikuluko betebeharrei dagokienez:

Diru-laguntzei buruzko azaroaren 9ko 11/2005 Foru Legearen 13. artikulua xedatzen duenez, bertan aipatzen diren inguruabarretako batean dauden pertsona edo entitateak ezin izanen dira foru lege horretan araututako diru-laguntzen onuradun izan.

Artikulu horrekin bat, adierazten dut ez nagoela inguruabar hauetako bakar batean ere:

Epai irmoan ezarritako kondenaren ondorioz diru-laguntza edo laguntza publikoak lortzeko gaitasunaz gabeturik egotea.

Konkurtsoaren deklarazioa eskatua izatea, edozein prozeduratan kaudimengabe deklaratu izatea, konkurtsopean egotea, esku-hartze judizialaren pean egotea, edo Konkurtsoari buruzko Legearen arabera desgaitua egotea, konkurtsoa kalifikatzeko epaian ezarritako desgaitasun aldia amaitu gabe egonda.

Administrazioarekin sinatutako kontraturen bat behin betiko suntsiarazi behar izana enpresa errudun deklaratu izateagatik.



- Pertsona fisikoa, merkataritza-sozietateen administratzaileak edo beste pertsona juridiko batzuen legezko ordezkariak indarra duen araudian ezarritako bateraezintasun egoeraren batean egotea.
- Zerga-arloko eta Gizarte-segurantzako betebeharrak egunean ez izatea, ezta Nafarroako Foru Komunitateko Administrazioari edo haren erakunde autonomoei zorrak ordaintzeko betebeharrak ere.
- Erregelamendu bidez paradisu fiskaltzat jotzen den herrialde edo lurralde batean izatea helbide fiskala.
- Ebazpen irmoan ezarritako zehapenaren ondorioz diru-laguntzak lortzeko gaitasunaz gabeturik egotea, Diru-laguntzei buruzko azaroaren 9ko 11/2005 Foru Legean edo zergei buruzko lege orokorretan agindutakoaren arabera.
- Eskatzailea irabazi asmorik gabeko elkarte bada: elkartzeko eskubidea arautzen duen martxoaren 22ko 1/2002 Lege Organikoaren 4. artikulua 5. eta 6. idatz-zatietan aurreikusitako debeku arrazoietakoren batean ez egotea.

3.–Zerga arloko betebeharrei dagokienez:

- Diru-laguntzei buruzko Foru Legearen 9 e) artikuluan ezarritakoa betetzen dela frogatzeko, eskatzaileak Herritarrekiko eta Erakundeekiko Harremanetako Departamentuari baimena ematen dio, diru-laguntzaren ebazpen-proposamena ematen den momentuan, zerga-betebeharrak eguneratuak dituela egiaztatzeko.

.....(e)n, 2017koaren(e)an

Enpresaren sinadura eta zigilua



IV. ERANSKINA

PROPOSATURIKO PROGRAMA BAKOITZAREN IKUS-ENTZUNEZKO EDUKIEN MEMORIA DESKRIPTIBOA

Memoria egiterakoan kontuan hartu beharrekoak:

- *Orrialdeak zenbakiturik aurkeztu.*
- *8.000 hitz, gehienez ere.*

1. Proiektuaren helburua edo xedea.
 - 1.1. Proiektuaren helburu nagusiaren eta espero diren emaitzen definizio argi eta zehatza.
 - 1.2. Proiektuaren deskribapena.
 - 1.3. Aurreikusitako lan-plana zehaztasunez deskribatu, mugari nagusiak eta espero diren emaitzak jasoko dituen kronograma erantsiz.
2. Proiektuaren diseinuari dagokionez, ondorengo aspektuak justifikatu beharko dira:
 - 2.1. Programen sormena eta aniztasuna
 - 2.2. Proiektuaren izaera berritzailea, zuzentzen zaion kolektibo/sektoreari dagokionean. Nafarroako gaur egungo programazio-parrilari dagokionez zein berritasun sartu diren planteamendu- eta adierazpen-mailan.
 - 2.3. Parte hartzera edo elkarrizketara gonbidatuko diren protagonisten aniztasuna eta zer ordezkatzan duten.
 - 2.4. Interes publikokotzat jotako Nafarroako herritar elkarten lankidetzeta eta parte-hartzea programazioa diseinatu eta parte hartzerako orduan.
 - 2.5. Genero ikuspegiaren ikuspuntua sartu den edo ez adieraztea edukiak diseinatu eta garatzeko, eta hizkera inklusiboa erabili izana.
3. Proiektuaren emisio-egutegia erantsi.
4. Emisio-hitzarmenak adieraztea (nazio mailako, nazioarteko, tokiko, erkidegoko edo Nafarroatik kanpoko eskualdeetako kanalak), dagozkien justifikazioak aurkeztuz.
5. Diruz lagundutako edukiak beste kanal batzuen bitartez modu iraunkorrean ematen direla adieraztea. Justifikatu, hala baldin badagokio



V. ERANSKINA

PROPOSATURIKO PROGRAMA BAKOITZEKO GIZA-BALIABIDEEN ETA BALIABIDE TEKNIKOEN MEMORIA DESKRIPTIBOA

Memoria egiterakoan kontuan hartu beharrekoak:

- Orrialdeak zenbakiturik aurkeztu.
- 4.000 hitz, gehienez ere.

1. Giza-baliabideak eta enpleguaren kalitatea (deialdi honetako oinarrietako 8.2 epigrafearen arabera)

1.1 Edukiaren ekoizpena adskribaturiko langile propioak

- Langileen kopurua
- Horien funtzioak, kategoria profesionala eta beren beharren justifikazioa deskribatu
- Zenbatek jasotzen duten gizarteratzeko errenta
- Zenbat diren langile finkoak (identifikazioa erraztu); zenbat dauden aldi baterako kontratatuak (identifikazioa ez da beharrezkoa)
- Programaren ekoizpenean langileek duten arduraldia, urteko lanaldiaren portzentaje gisa adierazia, telebista eskatzailean aplikatzen den lan-hitzarmenarekin bat etorritz

1.2 Kanpo-kolaboratzaileak (azpikontratazioa)

- Proiektuaren garapenerako kontratatuko diren kanpo-zerbitzuak deskribatu

1.3 Gizon eta emakumeen arteko berdintasun-planak ezarrita dauden adierazi. Egiaztatzen duen ziurtagiria erantsi.

1.4. Telebista eskatzaileko pertsonalaren datu orokorrak, langileen kategoria profesionalak adieraziz, eta baita langile horiek finko edo aldi baterakoak diren eta lanaldi partzialean daudenek lanaldiaren zein portzentaje egiten duten.

2. Baliabide teknikoak. Hurrengoak baloratuko dira (deialdi honetako oinarrietako 8.2 epigrafea kontuan hartuz)

Proposatzen den edukiaren produkzioan eta produkzio-ondoan erabilitako baliabide teknologikoak: kameren kalitatea, ibilgailuak eta unitate mugikorak, instalazioak eta platoak, etab.

- Amortizagarriak zeintzuk diren adierazi, proiektuari egoz dakioken portzentajea, kontularitzako irizpide orokorren arabera. Justifikatu, hala baldin badagokio.



- Edukiaren produkziarako aurreikusitako ikus-entzunezko hizkuntza deskribatu (grafismoak, teknologia berriak, alde biko komunikazioa ikusleekin...); eta baita produkzio-ondorako aurreikusitako lanak ere.



VI. ERANSKINA

PROPOSATURIKO PROGRAMA BAKOITZAREN EKONOMIA- ETA FINANTZIAZIO- MEMORIA

Memoria egiterakoan kontuan hartu beharrekoak:

- Orrialdeak zenbakiturik aurkeztu.
- 4.000 hitz, gehienez ere.

1. Proiektuaren kostuen aurrekontua, gastuak eranskin honetan erantsi den taularen arabera antolatuz

1. 1. Zuzeneko gastuak: langileen gastuak, ekipoen amortizazioa eta azpikontratazioa.

- Deskribatu horien funtzioak, aplikazioa eta behararen justifikazioa, eta baita balorazio ekonomikoa ere.

- Proiektuaren prestakuntza- eta difusio-ekintzak deskribatu (dagokionean).

- Beste gastu batzuk. Horien beharra azaldu eta justifikatu, eta baita balorazio ekonomikoa ere: ostatu hartzea, garraio publikoa edo/eta norberaren autoarentzako km. eta kostua/km.

(*Deialdiko oinarrietako 8.2 epigrafea kontutan hartu, inbertsioari buruzko puntua)

1.2. Zeharkako gastuak (%12ra arte)

- Kontzeptu hau aurrekontu osoaren zein portzentaje den adierazi.

- Gastuen xehetasunak zehaztu eta horien beharra justifikatu proiektuaren baitan.

1.3. BEZa. Ezarritako BEZa balioztatu eta justifikatu, zerga zein partidaren gainean kalkulatu den eta zein portzentaje aplikatu den zehaztuz. Zerga-salbuespenik izanez gero, adierazi aurreko urteko "BEZaren salbuespen-prorrata".

2. Diru-sarrerak

- Proiektuaren garapenerako finantziazio-iturriak, eskatutako diru-laguntza desberdinak, iturri horietako bakoitzak bere gain zein zenbateko hartzen duen adieraziz.

Zehaztasunez azaldu beharko dira VI. eranskineko diru-sarreraren koadroan adierazitako proiektuaren finantziazio-iturri desberdinak. Proiektu honetarako eskatutako edo/eta jasotako diru-laguntza publikoen kasuan, ondorengo taula beteko da:

Erakundea	Eskaera-data	Eskatutako zenbatekoa: (eurotan)	Jasotako zenbatekoa (eurotan)
-----------	--------------	-------------------------------------	-------------------------------------



3. Emankizunen portzentajea Nafarroan, edo produkzioan erabili diren Nafarroako baliabide profesional eta teknikoen portzentajea



MEMORIA EKONOMIKOAREN TAULA

AURREKONTUAREN AURKEZPENA, ERANSTEN DEN EREDUARI JARRAIKI ESKAERA AURKEZTEN DEN EGUNETIK 2017KO URRIAREN 31RA ARTEKO (EGUN HORI BARNE) EPEARI DAGOZKION GASTUAK BAKARRIK SARTUKO DIRA.

GASTUAK		ZEHARKAKO GASTUAK (%12RA ARTE)
ZUZENEKO GASTUAK		
LANGILEAK*		
Nominak		
Gizarte-segurantza		
LANGILEEN GASTUAK, GUZTIRA		
EKIPOEN AMORTIZAZIOA		
AMORTIZAZIO-GASTUAK, GUZTIRA		
BESTE GASTU BATZUK (ostatu hartzea, garraio publikoa, kilometrajea...)		
BESTE GASTU BATZUK, GUZTIRA		
AZPIKONTRATAZIOA		
AZPIKONTRATAZIO-GASTUAK, GUZTIRA		
ZUZENEKO GASTUAK, GUZTIRA		GASTUAK, GUZTIRA I.

* V. eta VI. eranskinetan emandako datuen arabera

AURREIKUSITAKO DIRU-SARRERAK	
DIRU-LAGUNTZAREN KONTURA (%50)vxc	
BESTE DIRU-SARRERA PUBLIKO BATZUK	
PUBLIZITATEKO DIRU-SARRERA PROPIOAK/BESTE ITURRI BATZUK	
DIRU-SARRERAK, GUZTIRA	